

Powšitkowne WOZJEWJENJA

njedźelu, 25. nowembra 2012

150 lět TCM a Katolski Posoł

Składnostnje 150. róčnicy založenja Towarstwa Cyrila a Metoda z.t. (TCM) budže štwórtk, 13. decembra, džakne swjedženske zarjadowanje w Budyšinje. Wšitcy wěriwi, wosebje tež či mnozy něhdyši a nětčiši roznošowarjo Katolskeho Posoła w serbskich wosadach, su wutrobnje na swjedžensku Božu mšu we 18.30 hodž. do tachantskeje cyrkwy swjateho Pětra přeprošeni.

Towarstwo swjateju Cyrila a Metoda bu 13. decembra 1862 w Budyšinje k spěchowanju nabožnosće a narodnosće mjez katolskimi Serbami założene. Z tutym zaměrom wuchadza wot januara 1863 časopis Katolski Posoł (KP).

Nimo tuteje džakneje Božeje mšě su k jubilejomaj klětu dalše zarjadowanja planowane, kotrež su w interneće pod www.posol.de wozjewjene. *J. Špitank, předsyda TCM a farar G. Warnar, šefredaktor KP*

TCM – „Łužica pomha“ prosy wo šćedriwe dary

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ twar domu za cyrkwinski sobudźelačerjow w Marksu a džěło rjadnicow w Albanskej podpěrać.

Wobej projektaj buštej njedźelu, 11. nowembra, w Katolskim Posole nadrobnje předstajenej. TCM prosy wěriwych wo šćedriwe dary na konto Cyrill-Methodius-Verein, kontowe čisło 828 23 66, BLZ 750 90 300 pola banki LIGA pod hesłom „Łužica pomha“.

J. Špitank, předsyda TCM

Chrysta Krala w Chrósćicach

Młodžina ze serbskich wosadow je na swjedženju Chrysta Krala, njedźelu, 25. nowembra, w 14 hodž. na nyšpor do Chrósćic přeprošena. Po tym je zarjadowanje na farje.

Ekumeniski nyšpor w Drježdźanach

Wšitcy Serbja w Drježdźanach, jich přiwuzni a přeceljo su wutrobnje přeprošeni na ekumeniski serbski nyšpor sobotu, 1. decembra, ze superintendentom Janom Malinkom. Nyšpor budže w 15 hodž. w cyrkwi swjateho Józefa w Drježdźanach-Pieschenje, Rehefeldska 61. Po nyšporje zetkamy so w Šoćic kofejowni na bjesadu. Tam budže tež Smolerjec kniharnja ze svojim knižnym poskitkom.

M. Bubnarjec

Adwentnička dekanatneje młodžiny

Tradicionalna adwentnička dekanatneje młodžiny budže lětsa přenju adwentnu njedźelu, 2. decembra. Z nyšporom w Njebjelčanskej cyrkwi w 14 hodž. so wona zahaji. Po tym su młodostni do wosadnicy přeprošeni.

Beneficny koncert a spēwny wječork w Jaseńcy

Na serbski beneficny spēwny wječor sobotu, 1. hodownika, w Jaseńcy přeprošuje Florian Rynč zhromadnje z muskim spēwnym kwartetom „Po štyrjoch“, kwartetom młodych serbskich gymnaziastow a skupinu „Wólbernosće“. Započatk w Rynčec bróžni w Jaseńcy (čisło 8) je w 19.30 hodž. Wunošk z wječora nałoža so za lětušu pomocnu akciju Towarstwa Cyrila a Metoda „Łužica pomha“. Po wustupje skupinow su wšitcy na zhromadne spēwanje přeprošeni.

„Hdyž rentnarjo zapřimnu“

Serbska lajska dźiwadłowa skupina Chrósćicy z.t. přeprašuje wšitkich zajimcow na přichodne předstajenje kriminalneje komedije „Hdyž rentnarjo zapřimnu“. Wone budže sobotu, 1. decembra, w 19.30 hodź w Šunowje pola Wowčerkec.

Zetkanje samostejacych

Samostejacy ze serbskich wosadow su na zetkanje wutoru, 11. decembra, w 14 hodź. do Domu biskopa Bena w Smochćicach přeprašeni. Zajimcy njech so hač do wutory, 4. decembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdźěli.

Hromadźa hodowne dary

Towarstwo swjateje Filomeny z.t. chce tež lětsa zaso dźěci a swójby w čěskim Jiřetinje a bołharskim měsće Razgradze z hodownymi pakćikami zwjeselić. Jich wobsah njeje předpisany. Wotedać móža so pakćiki wot póndzele do pjatka, 26. do 30. nowembra, stajnje wot 17 do 18 hodź. w Smjerdžečanskim kulturnym domje. W tutym času přijimuju so tohorunja derje zdźeržana drasta, črije, počehnjenja a hrajki, kotraž měli so do kartonow spakować. Dalša móžnosć je darjenje pjenjez. Tute wužija so za polěpšenje žiwjenskich poměrow w šuli a internace w bołharskim měsće Oseneču. Nadrobnišo wo tym zhonja zajimcy wot Gerata Róbla, telefonowe čisło (03 57 96) 9 65 40

Kreatiwna dźělarnička adwentneje pychi

Na paslenje adwentneje pychi přeprašuje dekanatne dušepastyrstwo sobotu, 1. decembra, wot 13 do 17 hodź. młodostnych, maćerje a dalších zajimcow do Don Boskoweho domu we Workeclach. Kóždy ma swój předdžěłany material zapłaćić.

Zhromadna dohodowna akcija Serbskeho rozhlós a Katolskeho Posoła

Bože narodki

Hdyž swjećimy za měsac hody, budže zawěsće pola wšěch doma Boži narodk stać. Snano maće rězbarjny, snano tajki z metala, snano pak tež z cyle druheho materiala. Sće waš žlobik snano zdźědžili? Abo prosće kupili? Abo běše to raz dar wašeje kmótry? Na stawizny wašeho Božeho narodka smy wćipni, tuž napisajće wašu swójbnu tradiciju z nim na MDR 1 Radio Sakska/Serbski rozhlós, Póstowe naměsto 2; 02625 Budyšin abo na e-mail Serbski-program@mdr.de. Wot internetoweje strony www.posol.de je pokazka na wotpowědne strony Serbskeho rozhlós a podata.

W dohodownym tydženju chce Serbski rozhlós stawizny wo wašim Božim narodku powědać. Zdobom so wone w hodownym wudaću Katolskeho Posoła předstaja. Za wašu prócu kiwa wam nahladne myto.